

後出之有如是知時彼等長老皆成羅漢心

善解脫

尔時出尊教彼三十長老朋友得知證已遊
行履歷經白蘃林到彼林已深入林中見有一
樹微妙可喜即坐其下一日消息

尔時彼處忽有六十雲種姓人從彼林路道
便而過彼等諸人遙見世尊坐在樹下端正
可喜衆人樂見乃至猶如虛空衆星之所莊
嚴見已心得清淨正信生大歡喜以歡喜故
往詣佛所到佛所已頂禮佛足却坐一面坐
一面已嘿然而住

尔時佛爲彼等六十雲種姓人次第說法所
謂教行布施持戒乃至證知彼等長老一切
皆得阿羅漢果心善解脫是時世尊教化彼
等六十長老雲姓比丘令發心已即捨而去
更遊餘方

佛本行集經卷第三十九

所九

佛本行集經卷第四十

所十

教化兵將品下

隋天竺三藏法師闍那崛多譯

尔時世尊漸漸行到恒河岸邊至於彼已而
恒河畔有一船師遠見世尊向己而來從坐
速起急疾向前迎接世尊到佛邊已而白佛
言善來世尊從何遠來而忽到此世尊若爲
憐愍我故願上此船我度世尊到於彼岸不
取其價

尔時世尊即上船上坐船上已將如是偈教
誨示導彼船師言

汝今善曝曬此船 如是當得艇輕利
若能捨此慾恚惱 必定速得至涅槃
汝以慈心曬此船 令其輕便早疾度
汝今若能捨慾恚 必定速得趣涅槃
汝今若能捨慾恚 必定速得趣涅槃
汝以悲心曬此船 令其輕便早疾度
汝今若能捨慾恚 必定速得趣涅槃
汝以喜心曬此船 令其輕便早疾度

汝今若能捨慾恚 必定速得趣涅槃
汝以捨心曬此船 令其輕便早疾度
汝今若能捨慾恚 必定速得趣涅槃
若有比丘行慈心 能信世尊佛教法
速疾證於寂定處 不久得無動涅槃
若有比丘行悲心 能信世尊佛教法
速疾證於寂定處 不久得無動涅槃
若有比丘行喜心 能信世尊佛教法
速疾證於寂定處 不久得無動涅槃
若有比丘行捨心 能信世尊佛教法
速疾證於寂定處 不久得無動涅槃
余時世尊教彼長老船師比丘令行去已獨
一身在更無二伴漸漸至彼優婆頻螺聚落
之所

余時忉利帝釋天王作如是念如來今者在
於何處而自觀看見於如來獨自無人向彼
優婆頻螺所去既觀見已是時帝釋即自隱
身化作梵志摩那婆形可喜端正衆人樂見
頭上螺髻用以爲冠身著黃衣左手執持純
金澡瓶右手擎持雜寶之杖在如來前即從
佛取三衣鉢盂於先而行

時彼帝釋在前行路若值州縣聚落國城即
以神通飛騰虛空圍遶州縣聚落村邑各各
三而三而訖已停於彼上

余時彼化摩那婆身如是端正如是可喜爲

人樂觀如是威德見已衆類百千万衆雲兩
集聚各問彼言汝摩那婆是何處人誰家種

族兄弟姓字云何而來時摩那婆即以偈頌
報答於彼諸人等言

世間丈夫知足者 自能覺悟世無雙

名阿羅漢善獨行 我今爲彼作弟子

衆生沒溺煩惱海 困苦不能出到邊

彼今爲作法船師 既已自度欲度彼

若其世間能度者 我爲侍者遂後行

彼既能盡慾貪癡 無明黑暗亦破裂

世間有漏盡除滅 我作弟子而供承

世間最妙無比雙 何況得有勝上者

如來世尊今出現 我爲親侍隨東西

世間如是無上尊 今日欲來至於此

時天帝釋說是偈已如來世尊即到其前而

衆人見如來如是可喜殊特爲人樂觀乃至

身體猶如虛空衆星莊嚴大衆見已各相謂

言如此師者堪此弟子如是弟子堪如是師

而世尊爲彼等諸人作於微妙善巧密教言
說法義

余時彼諸一切人中或聞如來說此妙法或
有發心求出家者或有得於須陀洹果斯陀
含果阿那含果阿羅漢果或復有爲未來世
作聲聞乘中種子因緣或復有爲未來世作
緣覺乘中種子因緣或復有爲未來世作菩
薩乘中種子因緣其中或有受三歸依及五
戒者

余時世尊發遣天主帝釋去已乞食時至著
衣持鉢獨自而行欲乞於食漸漸到彼大兵
將村入彼邑已即詣兵將婆羅門家到其家
已即便進入於其門內鋪座而坐余時兵將
大婆羅門有於二女一名難陀二名波羅時
彼二女出向佛邊到佛所已頂禮佛足却住
一面

余時世尊知於彼等心行所趣結使已薄知
於諸界知諸入已說四諦法如是說已時彼

二女聞佛說法破二十重諸見之山即時得證須陀洹果彼等女見法寶相已隨佛乞受三歸五戒既得戒已即從佛手取於鉢器將好色香美味具足種種飲食滿盛鉢中以用奉佛

余時世尊受彼食已從村而出

余時提婆大婆羅門從他轉聞彼大沙門來至
於此聞已即作如是思念我昔曾請彼大沙門許施飲食我今薄財貧賤困乏當作何計而彼提婆大婆羅門聞此言已速疾而還向自己家到自家已語於其妻作如是言昔大沙門在於優婁頻螺聚落苦行之時我願施食彼大沙門今日至此當作何計而彼妻報夫提婆言乞聽所說未審余不我憶往昔年少之時是時兵將大婆羅門曾弄於我欲求世事我時不聽彼暫指觸而今聖夫將我與彼行於世事從其隨索多少錢物得以而爲彼大沙門作食布施

余時提婆大婆羅門報其妻言此事不然我婆羅門理不合作如是之事然其提婆大婆羅門別思惟已即詣兵將婆羅門邊到彼所已即便白言善哉兵將唯願借貸我五百錢若我能償此事善哉脫不能償我之夫婦二人詳共悉入汝家爲汝作力

余時兵將大婆羅門即與提婆婆羅門錢足滿五百而語之言汝今將去隨意所用其事若訖更不得傳從他借貸持以償我如汝所要身自出力覓錢與我余時提婆大婆羅門從兵將邊依法受取五百錢已至自己家付與其妻付已語言汝宜精好備辦飲食身即自詣於外林中而往佛邊到佛所已共佛對顏言語慰喻問訊起居訖已却坐於一面立欲請如來

余時提婆大婆羅門即白佛言善哉大德沙門瞿曇唯願受我明日飯食是時世尊嘿然受請余時提婆大婆羅門知佛嘿然受其請已

從坐而起遶佛三匝辭佛而去至自己家是時城內一切巷陌皆賣熟食余時提婆大婆羅門即於彼夜嚴備多種甘美飯食如是歎歎唼陳嘵嘵其夜悉辦如是諸味過夜天明家內洒掃鋪床座訖即至佛邊長跪詣白作如是言大善沙門若知時者飲食已辦願赴我家余時世尊既至食時著衣持鉢漸漸而行至彼提婆大婆羅門家到其家已隨鋪而坐余時提婆見佛坐已夫婦自手擎持多種微妙清淨衆味飲食立於佛前以奉世尊唯願如來自恣而食是時提婆奉佛食訖別於佛邊鋪座而坐坐已世尊即爲提婆大婆羅門如應說法示現教誨令歡喜已從坐而起隨意而去

余時提婆大婆羅門送佛而出其提婆妻從他借衣著奉佛食供養佛已見佛出還即便解衣置於一處而掃除地時有一賊忽余來偷其衣將去時提婆妻爲失衣故心大愁惱

時其提婆送佛還家見於其婦心大擾亂即便問言汝今何故如是煩惱妻報夫言聖夫當知我所借衣不知誰偷忽然失去是時提婆聞此語已心地迷悶不知所爲作如是言我以從他貸五百錢用爲供具汝今從他借衣而著忽復失去我家貧短以何備償當作何計余時提婆欲求自死即使往至屍陀林中上大樹上欲自撲地而不能墮即復大愁然後彼賊人執其衣裳至屍陀林忽余還來在於提婆所上樹下掘地埋之以土覆上於上大便放訖而去時彼提婆在於樹上遙見此事賊去以後從樹而下掘取其衣還將向舍

時提婆妻掃除舍內廁廁分除其屋一角忽然自陷低頭觀覩地下見有一赤銅瓶其中滿金乃至略說見第二瓶第三第四悉皆是瓶更復觀看其下更見一赤銅甕亦滿中金彼見金已即大驚叫指示夫言聖夫聖夫速來速來我已得也

所十

六

余時提婆聞婦聲已作是思惟此婦可伶何故失心如是誰語云我已得得於何物其前他處借衣失去我今已得衣現在此其何故唱言我已得是時提婆將衣入家問其妻言居家善者汝何所得彼婦即便指示其金語言聖夫我得此也是時提婆復語妻言汝所失衣我亦得也而彼婦女取其衣裳向所借處還歸其主

余時提婆大婆羅門作是思惟我今獨自不能淹消食多許金即便携將五百錢直還向兵將婆羅門邊而償其債到已語彼大兵將言我從仁者貸五百錢今以還汝是時兵將語提婆言我前語汝不得從他舉錢償我唯出自家身力償我提婆復言我不從他貸取此物兵將復問汝從何得提婆報言我從地得此之金藏彼不承信余時提婆即將兵將到自己家示其金藏

余時兵將見其金藏是一聚炭語提婆言汝

何狂也語我是炭用作金相是時提婆復更重語彼兵將言此寶真金非是火炭如是再復作誓願如我善業供養力故得此金者乞示兵將婆羅門見如是願已炭即爲金

余時兵將見此地藏悉皆是金見已復問彼

所十
七

提婆言仁者汝今供養阿誰爲天爲仙并及善人而彼與汝如此願報提婆報言我於今日家唯供養是大沙門來於宅內奉施飲食或應藉彼功德果報當成於此是時兵將報提婆言汝今所得此之金藏悉皆是彼善業因緣故生此報無人能奪無人能斷汝莫作疑安隱而食

余時提婆作如是念我以布施大沙門食生於如是大功德報心生歡喜踊躍無量遍滿其躰不能自勝復詣佛邊到已共佛對論美言慰喻問訛種種說已却坐一面

余時提婆重白佛言願大沙門受我明日更

奉施食世尊嘿然還受其請是時提婆見佛嘿然受其請已從坐而起遶佛三匝辭退而還至自家已城內街巷一切悉有五熟而賣如上所說乃至施食飯佛以後夫妻二人在於佛前鋪座而坐欲聽法故佛知彼等心行躰性諸使薄少爲說四等諸法相門彼等聞已却二十重我見之山即便證得須陀洹果彼等既見法實相已即受三歸奉持五戒

余時出尊從坐起已隨意而行於後一時諸比丘等心疑各念共相問言彼之提婆大婆羅門并及妻等先作何業而造業已得是果報至如來邊證諸聖法復作何業今世貧窮還卒大富時諸比丘如是語已即詣佛所到佛所已即諮詢言善哉世尊彼之提婆大婆羅門并及妻等昔作何業而造業已得此果報復至佛邊得諸聖法更造何業先貧後富一旦如是

余時佛告諸比丘言汝諸比丘若欲聞者今

應諦聽彼之提婆大婆羅門亦有過業亦有現業何等名爲過去之業諸比丘知我念往昔此賢劫中是時衆生壽二萬歲有佛出世號曰迦葉多陀阿伽度阿羅呵三藐三佛陀十号具足時迦葉佛已轉法輪度生死岸豎立法幢滿昔誓願成最丈夫開化衆生無量千億住於善道還居在此波羅柰城昔聖處所鹿野苑中

余時還彼波羅捺城有於一人從佛邊受三歸五戒而其生中不行布施命終之時心發是願迦葉如來所授於彼菩薩記別名曰護明言是菩薩於當來衆生百年壽命之中得成佛者號釋迦牟尼多陀阿伽度阿羅呵三藐三佛陀願我值遇於彼世尊以是因緣汝等當知

余時彼受三歸五戒不行布施優婆塞者今此提婆婆羅門是其於彼時受此三歸護持五戒爲優婆塞命終乞願願值於我以是因

緣今得值我復以彼時不行布施今得貧報
此是過去所造作業

比丘當知何者名爲現在世業我昔六年苦
行之時而彼提婆隨宜將食布施於我我今
得成無上菩提其復請我至於己家布施我
食以是因緣得現世報是故汝等諸比丘輩
應常須向佛法僧邊生於恭敬希有之心當
得如是功德果報猶如提婆婆羅門身現受
其福不得報者似慳貪人不肯布施今受貧
賤困苦之患汝等比丘當如是學世尊自從
波羅捺國來至優婁頻螺聚落於其中間有

八萬人受佛教化入諸法中

所十

九

佛本行集經迦葉三兄弟品第四十四上

余時世尊作如是念我今先可教化一箇得
通之人令其歡喜彼歡喜已應當次第廣化
多人是時優婁頻螺聚落其中有三螺髻梵
志仙人居止第一所謂優婁頻螺迦葉爲首
教授五百螺髻弟子修學仙法爲匠爲導最

在前行第二名爲那提迦葉復領三百螺髻
弟子爲首爲導第三名爲伽耶迦葉復領二
百螺髻弟子爲首爲導合有千人隨彼兄弟
修學仙法

余時世尊作如是念今此優婁頻螺迦葉其
聲遍滿摩伽陀國彼處內外一切人民並謂
言其是阿羅漢我今可先化彼優婁頻螺迦
葉令其歡喜彼歡喜已當有多人受其教法
佛復思念此等諸仙以何爲重彼行是何念
已即知彼等唯用苦行爲尊其次則以領衆
爲重

余時世尊隱本形相即便化作苦行之身頭
上結髮螺髻爲冠兼復化作五百梵志摩那
婆子以爲徒衆悉皆可喜端正無雙爲人樂
見圍遶左右以神通飛到優婁頻螺迦葉所
聞聲處下地而住

余時彼等一切諸仙見化衆已悉各忽違東
西馳走或有安置於鋪設者或有洗足或入

草菴拂拭整頓或有將草作席鋪設或有取水以擬澣洗又復各各告彼等言汝等今者從何忽來而至於此不相告知汝等何不於先遣使道我欲來我若先知當預置設是故汝等當少時住我等辦具種種供擬世尊既知一切諸仙心生願樂悉知佛已

尔時世尊還攝神通復於本形獨立而住時彼諸仙既見世尊剃除鬚髮身着袈裟染色之衣是時優婆頻螺迦葉作如是念此大沙門大有威神大有威德然其未得阿羅漢果如我今日在於此住此是如來最初於先出神通法

尔時優婆頻螺迦葉即白佛言善大沙門仁今何遠來至於此善大沙門仁今若當願樂於此我住處者隨仁所願我當供給又仁意樂於何處所坐起眼卧此是草菴此是草堂住意選取作是語已佛告優婆頻螺迦葉作如是言善哉迦葉汝若不辭能見敬重我欲

入汝祭祀火神處所安居

尔時優婆頻螺迦葉有一弟子於先舊患下痢之病以病下故糞穢草菴自餘一切諸弟子等見穢草菴瞋忿不淨驅遣令出是時彼患摩那婆身被驅出時作如是念此之菴舍爲於一切螺居而造云何見我病患下痢駁遣我出願我捨命得是身體仰報彼等如是之事時彼患者作是念已即便命終命終已後即受如是大毒龍身生已在於彼草堂內或有人來或畜生來皆被螫殺以是因緣彼堂即空無有人住

尔時優婆頻螺迦葉作如是念有何對治能伏毒龍唯應有火能相屈取作是念已即以火神安彼草堂恒常如法依時供養尔時優婆頻螺迦葉即白佛言善大沙門我實不辭亦不惜是此之草堂但彼草堂有大極惡嚴熾龍王居住彼中其龍甚有大神通力有大惡毒有猛厲毒非止害仁亦損我也

余時世尊如是再過語迦葉言汝若不辭不敬重彼但當與我草堂居住迦葉報言我意不願仁住火堂所以者何彼處今有一大毒龍猛惡嚴熾恐爲於仁并及我身作於毒害善大沙門此堂本來我等師徒久共捨之無人能入

余時世尊第三重告彼迦葉言仁者迦葉若有切毒龍來滿此堂住者彼等不能損我一毛況一龍也仁者迦葉但汝意可我自當入願汝莫辭莫重彼堂其終不能損害於我是時優婆頻螺迦葉以佛三度懇求已即白佛言善大沙門我亦不辭亦不重彼我以相語若心不疑當隨意住常生方便莫令被害余時世尊得於迦葉印可聽已手自執持一把之草入火神堂入已鋪草取僧伽梨襞作四牒以鋪草上跏趺而坐僧伽梨上端身而住正念不動除捨一切外內怖畏身毛不豎寂然禪定

余時彼堂毒龍出外求覓食故處處經歷飽已迴還入於火堂遇見如來坐火堂內見已其心作如是念我身猶活今有何人忽入我堂其意既惡即興毒害口出烟炎如來復坐如是三昧身亦放烟

余時彼龍見是烟已增長更瞋放猛火炎如來余時亦入如是火光三昧身出大火佛及毒龍各放猛火是時彼堂嚴熾猛炎以猛炎故草堂形然如大火聚

余時世尊復如是念我今可作如是神通作神通已莫害於彼龍王命根但當燒其皮肉筋骨悉令淨盡余時世尊即作如是神通變化以神通故令彼龍王命不傷害但使其餘身分然盡如是訖已又復從身出於諸種雜色光明所謂青黃赤白黑色出已唯照一尋地明示於彼龍

余時優婆頻螺迦葉去彼祭祀火堂不遠遙見堂內出大猛炎見已即作如是念言嗚呼

十二

所十

嗚呼此大沙門今被毒龍之所燒害可惜可惜以其不取我等師徒好言善語時彼衆有

一摩那婆名阿羅陀祇梨迦

隋言樹皮衣見彼火

堂亦大懊惱自餘一切諸摩那婆各各稱名悉皆恐怖並相呼喚謂迦吒牟尼

隋言苦行仙謂

耶摩其尼

隋言雙火謂阿唎尼毗奢耶那立火謂

毗羅波羅婆

隋言文謂奢摩羅耶那色眼雜

謂波羅耶那

隋言度彼岸能謂迦吒耶那受行將謂

瞿曇姓

隋言暗牛謂目捷連種白捧謂婆私吒姓化住謂頗羅墮重瞳

汝等汝等速來速來此

大沙門今被毒龍吐火燒爇我等當往助其撲滅

余時彼等諸摩那婆聞是聲已或將水瓶或復擔梯速疾走來來已著梯上彼火神大堂之上已將水欲滅於火而彼火炎世尊力故更增熾盛時彼一切諸摩那婆即還下彼火神堂住在一邊立各相謂言此大沙門端正可喜而被毒龍之所惱害

梵本沙門來並再稱

余時衆中濕樹皮衣摩那婆仙悲哀說偈以哭佛言

嗚呼微妙端正身 頑髮甚青指羅網

七處圓滿端正眼 被龍翳如日月昏

余時更有一摩那婆還復悲哀哭泣於佛而說偈言

所十

十三

嗚呼諸王勝家生 甘蔗上種人中勝

世間無過此生處 今爲毒龍火燒身

余時更有一摩那婆還復悲哀哭泣於佛而說偈言

三十二相莊嚴身 自得解脫能脫他

瞋恚能伏不害身 今被毒龍毒火滅

余時更有一摩那婆還復悲哀哭泣於佛而說偈言

支節長短正等身 甘蔗諸王種增益

譬如如闍浮檀金柱 今爲毒龍火所焚

余時更有一摩那婆還復悲哀哭泣於佛而說偈言

諸仙聞聲心歡喜

布施持戒最福田

身躬柔軟大吉祥

嗚呼今被龍火殺

余時優婆頻螺迦葉亦來集聚去彼火堂不

遠立住

余時有一摩那婆來白於優婆頻螺迦葉作

如是言和上一過試觀占彼大沙門看其大

沙門生宿之中更不爲於諸餘惡星所犯觸

也其所犯者何星逼是沙門生宿

余時優婆頻螺迦葉即便仰瞻虛空星已還

告於彼摩那婆言汝摩那婆今應當知此大

沙門鬼宿日生而彼鬼宿不爲餘星之所逼

觸謂摩那婆此大沙門星甚快明如我所見

星宿相兒大沙門今共龍捕闍波勝之狀此

相必定是大沙門波降彼龍無有疑也

佛本行集經卷第四十

十四末 所十

曝曬上蒲才反一音
暴下所賣反 艇亭項
反 借貸下他
代反償音

唼唶二字音
匝朔

嚙嚙上音博义古
下子集反

撲蒲

反掘地上其物其陷
月二去聲覽於黃淹消上夜
反

藉才夜

記翦列并近匠正忽遑上七音紅反

襲作上必亦形然上徒
反

形冬反熟爇二同
而雪

鑿上丁合反
角

反撲滅上延木反
下他

擔梯上丁合反
角

捕闍上音
角

佛本行集經卷第四十一

基

迦葉三兄弟品中

隋天竺三藏法師闍那崛多譯

余時毒龍見火神堂四面一時洞然熾盛唯有如來所坐之處其處寂靜不見火光見已漸詣向於佛所到佛所已即便踊身入佛鉢

●

五

中而說是偈

若人百千億萬歲 一心祭祀此火神

彼輩不能斷去瞋 如今勝世尊忍辱

一切天人何界內

唯有世尊大丈夫

諸被瞋恚重病纏

世尊能與忍辱藥

余時世尊過彼夜後至明清旦手擎於鉢將